



## Support for Improvement in Governance and Management

A joint initiative of the OECD and the EU, principally financed by the EU

Կարճ գրություն 13

Հունվար 2011

### Պետական Գնումներ

# Բնապահպանական հայեցակետերը գնումների ոլորտ ներմուծելը

#### ԲՈՎԱՆԴԱԿՈՒԹՅՈՒՆ

- Որո՞նք են բնապահպանական հայեցակետերը:
- Ի՞նչ է նախատեսում Հրահանգը բնապահպանական հայեցակետերի առումով:
- Ինչպե՞ս կարող են բնապահպանական հայեցակետերը ներմուծվել գնումների գործընթացի մեջ:
- Նախապատրաստում
- Հայտարարում
- Ընտրություն
- Հայտերի գնահատումը
- Պայմանագրի պայմանները
- Պայմանագրի իրականացման նկատմամբ հսկողությունը



[www.sigmaweb.org](http://www.sigmaweb.org)

This document has been produced with the financial assistance of the European Union. The views expressed herein can in no way be taken to reflect the official opinion of the European Union, and do not necessarily reflect the views of the OECD and its member countries or of beneficiary countries participating in the SIGMA programme.

## Որո՞նք են բնապահպանական հայեցակետերը:

Գոյություն չունի ամրագրված սահմանում, թե ինչ է նշանակում բնապահպանական հայեցակետ: Հասկացությունն ավելի հեշտ ընկալվում է օրինակների միջոցով:

### Բնապահպանական հայեցակետերի օրինակներ.

- Շրջակա միջավայրի վրա շինարարական ծրագրի ազդեցության նվազեցում
- Մասնակիցների կողմից բնապահպանական խնդիրները հաշվի առնող աշխատանքային գործունեության խրախուսումը
- Շինությունների էներգետիկ արդյունավետության բարձրացում
- Բնական ռեսուրսները վատնելու նվազեցում
- Էներգիայի այլընտրանքային աղբյուրների զարգացման խրախուսում
- Տրանսպորտային ծախսերի նվազեցում՝ արտադրանք տեղական մատակարարների միջոցով
- Մթնոլորտ ածխաթթու գազի արտանետման նվազեցում

Պետական պատվիրատուն հաճախ օգտագործում է պետական գնումները՝ նմատարի պաղաքականության նպատակներին օժանդակելու համար: Եղանակներից մի քանիսը, որոնցով պետական պատվիրատուն փորձում է բնապահպանական հայեցակետերն օգտագործել գնումների գործընթացների մեջ (ներառյալ՝ վերոնշյալ մի քանի օրինակները) իրավաբանական առումով թույլատրված չեն ԵՄ *իրավական համակարգում*: Մյուսները թույլատրված են՝ պայմանով, որ որոշ պայմաններ պետք է բավարարվեն: Մի քանիսը հատուկ թույլատրված են Հրահանգով:

Գնումների տեսանկյունից հիմնական հարցերն են.

(1) Թույլատրված է արդյոք բնապահպանական հայեցակետերի օգտագործումը գնումների գործընթացի մեջ ԵՄ *իրավական համակարգում*, և

(2) Եթե դա իրավաբանորեն թույլատրված է, ե՞րբ և ինչպե՞ս կարելի է դա անել:

Պատասխանները հեշտ չեն և երբեմն հակասություն է առաջանում ընդհանուր քաղաքականության և ԵՄ իրավական համակարգի ներքո հասանելի միջոցների միջև: Երբ քննարկվում է բնապահպանական հայեցակետերի օգտագործումը, միջա անհրաժեշտ է հաշվի առնել, թե արդյոք առաջարկված մոտեցումը համապատասխանում է Պայմանագրի հիմնարար սկզբունքներին: Սա կիրառվում է նույնիսկ այն դեպքում, երբ Հրահանգում կան այս հայեցակետերի օգտագործումը

թույլատրող հատուկ դրույթներ: Հրահանգը, ինչպես նաև նախադեպային իրավունքը և ուղղորդումները պարզ են դարձնում սա:

## **Ի՞նչ է նախատեսում Հրահանգը բնապահպանական հայեցակետերի առումով:**

Հրահանգը պարունակում է մի քանի կարևոր դրույթներ, որոնք հատուկ վերաբերում են բնապահպանական հայեցակետերի օգտագործման գնումների գործընթացի մեջ:

- **Տեխնիկական մասնագրեր-բնապահպանական հատկանիշներ.** Տեխնիկական մասնագրերը կարող են ձևակերպվել կատարողական կամ գործառույթային պահանջների առումով, որոնք կարող են ներառել բնապահպանական հատկանիշներ: Պետական պատվիրատուն կարող է նաև օգտագործել մանրամասնեցված մասնագրեր, ինչպես սահմանված է Եվրոպական կամ միջազգային էկոպիտակներով կամ այլ էկոպիտակներով, սակայն հատուկ պայմաններ բավարարելու պայմանով:
- **Պայմանագրի կատարման պայմաններ.** Պետական պատվիրատուն կարող է սահմանել հատուկ բնապահպանական պայմաններ, որոնք վերաբերում են պայմանագրի կատարմանը, պայմանով, որ
  - հատուկ պայմանները համապատասխանում են ԵՄ իրավական համակարգին, և
  - դրանք նշված են պայմանագրի հայտարարության կամ մասնագրերի մեջ:

Մասնակիցները, որոնք ընդունում են պայմանները, չեն կարող բացառվել միայն այն պատճառով, որ պետական պատվիրատուն կարծում է, որ մասնակիցը չի բավարարի այդ պայմանները:

- **Մասնակցի տեխնիկական հնարավորությունների ապացույցը-շրջակա միջավայրի պաշտպանության միջոցների ցուցանիշները.** Համապատասխան դեպքերում (եթե դրանք վերաբերում են տեխնիկական հզորությանը), պետական պատվիրատուն կարող է խնդրել շրջակա միջավայրի պաշտպանության միջոցների ցուցանիշները՝ որպես մասնակցի կողմից հանրային աշխատանքների և հանրային ծառայությունների մատուցման պայմանագրերի իրականացման ապացույց:
- **Բնապահպանական հատկանիշները որպես շնորհման չափորոշիչ.** Հրահանգը սահմանում է չափորոշիչների ոչ ամբողջական ցուցակը, որոնց վրա պետական պատվիրատուն կարող է հիմնվել, երբ պայմանագիրը շնորհում է տնտեսապես ամենաշահավետ հայտին: Այս ցուցակը հատուկ հղում է անում “բնապահպանական հատկանիշներին”: Օգտագործված չափորոշիչները պետք է կապված լինեն պայմանագրի առարկայի հետ և պետական պատվիրատուին չպետք է տան ընտրության անսահմանափակ ազատություն:

## Ինչպե՞ս կարող ենք օգտագործել բնապահպանական հայեցակետերը գնումների գործընթացի մեջ:

### Նախապատրաստում

Շատ քիչ դրույթներ կան Հրահանգում, որոնք վերաբերում են մինչև հայտարարությունն ընկած փուլին: Հրահանգը կենտրոնանում է գնումների մրցակցային գործընթացի իրականացման վրա:

Գործնականում նախապատրաստական փուլն էական հնարավորություններ է տալիս բնապահպանական հայեցակետերի օգտագործման համար, որոնք ազդում են գնումների ողջ գործընթացի վրա: Սա այն պատճառով, որ հենց նախապատրաստական փուլում է, որ

- ընդունվում են գնումների գլխավոր ռազմավարական որոշումները
- սահմանվում է պայմանագրի առարկան
- կազմվում է պայմանագրի հայտարարությունը
- պատրաստվում են ընդհանուր և տեխնիկական մասնագրերը
- սահմանվում են պայմանագրի պայմանները

Այս տարրերն ուղղակի կապ ունեն գործընթացի հետագա փուլերի հետ և այդ պատճառով մինչև գնումների գործընթացի սկիզբն ընդունված որոշումները կարող են ունենալ էական ազդեցություն: Օրինակ, եթե տեխնիկական մասնագրերը պատրաստված են՝ հաշվի առնելով համապատասխան բնապահպանական չափորոշիչները, այս չափորոշիչները հետագայում կարող են կազմել հայտերի գնահատման չափորոշիչների մաս և հետևաբար, ազդեցություն ունենալ շնորհման վերջնական որոշման վրա:

### Գրություն բնապահպանական ազդեցության գնահատման վերաբերյալ

Պետական և մասնավոր որոշ տեսակի ծրագրերի իրականացման համար պարտադիր է անցկացնել Բնապահպանական Ազդեցության Գնահատում (ԲԱԳ): Այս պարտականությունը բխում է ո՛չ թե գնումների վերաբերյալ Հրահանգներից, այլ 85/337/ԵՀ Հրահանգից՝ «ԲԱԳ Հրահանգ»: Եթե ծրագիրն ենթակա է ԲԱԳ Հրահանգին, պետական պատվիրատուն պետք է նախապես իրականացնի ԲԱԳ, որպեսզի ունենա ամբողջական տեղեկատվություն, ինչը հնարավորություն կտա ընդունել որոշում՝ այդ որոշման բնապահպանական ազդեցության մասին ամբողջական գիտելիքներ ունենալով: Ընդգրկված ծրագրերի տեսակները սահմանված են ԲԱԳ Հրահանգում և կարող են ներառել, օրինակ, նավթաարդյունահանող գործարանները, էլեկտրական կայանները, գլխավոր ենթակառուցվածքներին վերաբերող ծրագրերը և թափոնների հեռացման կառույցները:

ԲԱԳ իրականացումը կարող է ազդեցություն ունենալ պայմանագրի առարկայի և/կամ պայմանագրի իրականացման վերաբերյալ դրույթների վրա:

ԲԱԳ Հրահանգի մասին հետագա տեղեկատվության համար, տե՛ս.

## Հայտարարում-պայմանագրի հայտարարություն

Պետական պատվիրատուի համար կարևոր է նախապես որոշել, թե արդյոք պետք է օգտագործել բնապահպանական հայեցակետերը գնումների գործընթացի մեջ, և ինչպես պետք է դա անել: Որոշ դեպքերում, եթե պետական պատվիրատուն ցանկանում է կիրառել նման հայեցակետերը, նա պետք է նախապես դրանց մասին հղում կատարի պայմանագրի հայտարարության մեջ: Եթե նա այդպես չի վարվում, նա չի կարող օգտագործել այս հայեցակետերը հետագա փուլերում: Օրինակ.

- Պայմանագրի հնարավորությունը պետք է հստակ և ճշգրտորեն նկարագրվի, եթե օրինակ, պետական պատվիրատուն պահանջում է թունելներով ճանապարհ, այլ ոչ թե ճանապարհ, որն անջատված է սարավանջերից, սա պետք է ներառնվի պայմանագրի նկարագրման մեջ, որպեսզի մասնակիցները հասկանան պահանջը:
- Եթե պետական պատվիրատուն պահանջում է տարբերակներ, որոնք կարող են վերաբերել էկոլոգիապես անվնաս այլընտրանքներին, սա պետք է նախատեսվի պայմանագրի հայտարարության մեջ:
- Նվազագույն մասնագրերը, որոնց պետք է բավարարեն մասնակիցները, պետք է հստակորեն նշվեն պայմանագրի հայտարարության կամ մասնագրերի մեջ:
- Պայմանագրի հատուկ պայմանները պետք է նշվեն պայմանագրի հայտարարության կամ մասնագրերի մեջ:
- Եթե պետական պատվիրատուն օգտագործում է թույլատրված բնապահպանական հայեցակետերը որպես պայմանագրի շնորհման չափորոշիչ, ապա դրանք պետք է նշվեն պայմանագրի հայտարարության կամ պայմանագրին վերաբերող փաստաթղթերի մեջ:

## Ընտրություն

Պայմանագրի հայտարարության հրապարակումից հետո պետական պատվիրատուն կստանա դիմումներ տնտեսվարող սուբյեկտներից, որոնք ցանկանում են մասնակցել գործընթացին և մրցույթին: Պետական պատվիրատուն կիրականացնի գործընթաց, որի ընթացքում կընտրի այն մասնակիցներին, որոնք հետագայում կհրավիրվեն մրցույթի: Ընտրության փուլը բաժանվում է երկու առանձին փուլերի.

- Փուլ 1, որը վերաբերում է գործընթացից մասնակիցների ամբողջությամբ բացառմանը

- Փուլ 2, որը վերաբերում է մնացած մասնակիցների համապատասխանության գնահատմանը և այն մասնակիցների ընտրությանը, որոնք հնարավորություն կստանան մասնակցելու գործընթացի հետագա փուլերին:

**Փուլ 1 – Բացառում.** Հրահանգը սահմանում է, թե ինչ հիմքերի առկայության դեպքում հետաքրքրություն ցուցաբերող մասնակիցները պետք է բացառվեն: Այս պարտադիր հիմքերը վերաբերում են ծանր հանցագործությունների համար դատապարտված լինելուն: Հրահանգը սահմանում է նաև, թե ինչ հիմքերով մասնակիցները կարող են բացառվել: Բացառման համար ոչ պարտադիր հիմքեր կարող են լինել այն հարցերը, որոնք կապված են բնապահպանական հայեցակետերի հետ: Գործնականում, հնարավորությունները բավականին սահմանափակ են:

**Փուլ 2- համապատասխան մասնակիցների ընտրությունը.** Հրահանգը սահմանում է ընտրության չափորոշիչների ամբողջական ցուցակ, որոնք պետական պատվիրատուն կարող է օգտագործել այն մասնակիցներին ընտրելու համար, որոնց կտրվի մրցույթին (կամ բանակցություններին) մասնակցելու հրավեր: Գոյություն ունի սահմանափակում, թե որքանով ընտրության բնապահպանական չափորոշիչները կարող են կիրառվել: Հրահանգը և նախադեպային իրավունքը հաստատում են, որ.

- ընտրության չափորոշիչների ցուցակն ամբողջական է, այն չի կարող ավելացվել,
- չափորոշիչների սահմանափակ ցուցակը սահմանված է մանրամասն՝ մեկնաբանության կամ մանրելու համար քիչ հնարավորությամբ,
- Գնահատումը կարող է վերաբերել մասնակցի ունակությանը՝ իրականացնել կոնկրետ պայմանագիր, որը գնումների գործընթացի առարկան է:

Քիչ հավանական է, որ բնապահպանական հայեցակետերը կարող են օգտագործվել մասնակցի “տնտեսական և ֆինանսական դրություն” հայեցակետի մեջ: Մա նշանակում է, որ դեպքերի մեծ մասում միակ ձևը, որի միջոցով բնապահպանական հայեցակետերը կարող են օգտագործվել որպես մասնակիցների ընտրության հիմք, այն է, որ նրանց վերաբերեն որպես մասնակիցների “տեխնիկական իմացության և/կամ մասնագիտական ունակության” վրա ազդեցություն ունեցող:

## Հայտերի գնահատումը

Երբ ընտրվել են մասնակիցները, պետական պատվիրատուն անցնում է հայտերի գնահատմանը: Պետական պատվիրատուն գնահատում է ստացված հայտերը և շնորհում է պայմանագիրը:

Պետական պատվիրատուն պետք է գնումների ծրագրման փուլում որոշեր, թե արդյոք պայմանագիրը պետք է շնորհի հիմնվելով (1) միայն ամենացածր գնի կամ (2) տնտեսապես ամենաշահավետ հայտի վրա: Շնորհման հիմքը պետք է նշվի պայմանագրի հայտարարության մեջ:

Հնարավոր է բնապահպանական հայեցակետերն օգտագործել այն հայտերի մեջ, որոնք շնորհվում են ամենացածր գնի հիման վրա՝ համապատասխան պահանջը տեխնիկական մասնագրերի և պայմանագրի պայմանների մեջ ներառելով: Քանի որ գինը շնորհման միակ չափորոշիչն է, հնարավոր չէ ներառել բնապահպանական հայեցակետերին վերաբերող չափորոշիչներ:

Երբ պետական պատվիրատուն առաջարկում է պայմանագիրը շնորհել տնտեսապես ամենաշահավետ հայտի հիման վրա, բնապահպանական հայեցակետերն օգտագործելու ավելի շատ հնարավորություններ կան: Հրահանգը սահմանում է հայտերի գնահատման չափորոշիչների ոչ ամբողջական նկարագրական ցուցակը, որը ներառում է հղում բնապահպանական հատկանիշներին: Պետական պատվիրատուն ունի կիրառվելիք չափորոշիչների ընտրության իրավունք: Այնուամենայնիվ, այս իրավունքն անսահմանափակ չէ: Շնորհման բոլոր չափորոշիչները, որոնք վերաբերում են բնապահպանական հայեցակետերին և օգտագործվում են տնտեսապես ամենաշահավետ հայտը գնահատելու համար, պետք է բավարարեն չորս պայմաններ.

- Շնորհման չափորոշիչները պետք է կապ ունենան պայմանագրի առարկայի հետ
- Շնորհման չափորոշիչները պետք է հատուկ կերպով և օբյեկտիվորեն չափելի լինեն
- Շնորհման չափորոշիչները պետք է նախապես հայտարարվեն
- Շնորհման չափորոշիչները պետք է համապատասխանեն Համայնքի իրավունքին և հավասար վերաբերմունքի, խտրականության արգելքի և չթափանցիկության հիմնարար սկզբունքներին:

## Պայմանագրի պայմանները

Պայմանագրի պայմանները կարող են ներառել պայմանագրի իրականացման վերաբերյալ դրույթներ, որոնք օգտագործվում են՝ մասնավորեցնելու, թե ինչպես պետք է իրականացվի պայմանագիրը:

Հրահանգը հատուկ շեշտում է, որ “պետական պատվիրատուն կարող է սահմանել հատուկ պայմաններ՝ պայմանագրի իրականացման վերաբերյալ՝ պայմանով, որ դրանք համապատասխան են Համայնքի իրավունքին և նշված են պայմանագրի հայտարարության կամ մասնագրերի մեջ: Պայմանագրի իրականացումը կարգավորող պայմանները կարող են վերաբերել, մասնավորապես, սոցիալական և բնապահպանական հայեցակետերին”:

Հետևաբար, բնապահպանական հայեցակետերը կարող են օգտագործվել որպես պայմանագրի պայմաններ՝ պայմանով, որ դրանք

- վերաբերում են պայմանագրի իրականացմանը,
- հրատարակվել են պայմանագրի հայտարարության մեջ կամ պայմանագրին վերաբերող փաստաթղթերում, և
- համապատասխանում են Համայնքի իրավունքին:

**Գնումների գործընթացի ընթացքում այս պայմանների օգտագործման սահմանափակումները.** Պայմանագրի պայմանները չպետք է փոփոխեն

տեխնիկական մասնագրերը, ընտրության չափորոշիչները կամ գնահատման չափորոշիչները. դրանք պետք է այնպիսին լինեն, որ մրցույթը հաղթող ցանկացած մասնակից կարողանա բավարարել դրանք պայմանագրի սկսման պահից: Պայմանագրի պայմանները պետք է հստակորեն սահմանվեն, որպեսզի մրցույթի յուրաքանչյուր մասնակից տեղյակ լինի պայմանագրում պարունակվող բոլոր պարտավորությունների մասին և ունակ լինի ներկայացնելու համապատասխան գնային առաջարկ:

Պայմանագրի պայմանների հետ համապատասխանության ապացույց չպետք է պահանջվի գնումների ընթացակարգի ընթացքում: Մասնակիցները պետք է ընդունեն պայմանները, որպեսզի նրանց շնորհվի պայմանագիրը:

Պայմանագրի պայմանները պետք է զգուշորեն օգտագործվեն և դրանց պետք է օժանդակեն իրենց առաջացրած ծախսերը և օգուտները:

Բնապահպանական հայեցակետեր օգտագործող պայմաններով հնարավոր պայմանագրերի օրինակներ են.

- Նոր գրասենյակային շինության կառուցման համար աշխատանքների կատարման պայմանագիր, որը ներառում է նյութերը շինարարության վայր տեղափոխելու համար բազմակի օգտագործման տարայի կիրառման և այդ վայրում թափոնների առաջացման նվազեցմանն ու վերամշակման աստիճանի բարձրացմանն ուղղված ջանքերի գործադրման պայման:
- Մաքրման աշխատանքների կատարման պայմանագիր, որը պահանջում է չափաբաժնի ցուցիչ՝ ապահովելու, որ օգտագործվել է մաքրող նյութերի համապատասխան քանակ և պարտավորեցնում է կապալառուին հնարավորության դեպքում վերամշակել փաթեթները:
- Պատճենահանող թղթերի մատակարարման պայմանագիր, որը պահանջում է այնպիսի քանակներով մատակարարում, որը կհանգեցնի մատակարարումների իրականացման թվի նվազեցման և մատակարարումների իրականացում ոչ ծանրաբեռնված ժամերին՝ մատակարարող մեքենաների կողմից բենզինի սպառումը նվազեցնելու համար:

## Պայմանագրի իրականացման նկատմամբ հսկողությունը

Պայմանագրի իրականացման նկատմամբ հսկողության կարևոր մաս է կազմում դիտանցումը՝ ապահովելու, որ պայմանագիրն իրականացվում է պայմանավորված ձևով: Բնապահպանական պայմանների ներմուծման համար մասնագրերի և պայմանագրի պայմանների հստակ սահմանումը ձևական է, եթե պետական պատվիրատուն չի ստուգում, թե արդյոք այս պահանջները կատարվում են կամ չի ձեռնարկում միջոցներ, եթե պարզում է, որ պահանջները չեն կատարվում:



## **Կոմունալ ծառայություններ մատուցող կազմակերպություններ**

Ընդհանուր առմամբ կիրառվում են միևնույն իրավական նորմերը 2004/18/ԵՀ Հանրային Ոլորտի Հրահանգի և 2004/17/ԵՀ Կոմունալ ծառայությունների մատուցման Հրահանգի համաձայն: Այս հրահանգներն ունեն շատ նմանատիպ և համանման դրույթներ: Արդարադատության Եվրոպական Դատարանը (ԱԵԴ) հակված է միևնույն մեկնաբանությունը կիրառել հանրային ոլորտի պետական պատվիրատուի և կոմունալ ծառայություններ մատուցող կազմակերպությունների համար:

Հիմնական տարբերությունները վերաբերում են մասնակիցների բացառմանը և ընտրությանը վերաբերող նորմերին, քանի որ Կոմունալ ծառայությունների մատուցման Հրահանգում դրույթներն ավելի քիչ են մանրամասնեցված և ավելի քիչ ցուցումներ են պարունակում, քան Հանրային Ոլորտի Հրահանգի դրույթները:

**Ի՞նչ է նախատեսում Հրահանգը բնապահպանական հայեցակետերի օգտագործման առումով:** Հրահանգը պարունակում է մի շարք դրույթներ, որոնք հատկապես վերաբերում են գնումների գործընթացի մեջ բնապահպանական հայեցակետերի օգտագործմանը: Սրանք էականորեն արտացոլում են Հանրային Ոլորտի Հրահանգի դրույթները: Ստորև նշված են մի քանի հիմնական տարբերություններ:

**Ընտրություն-Փուլ 1. Բացառում.** Սա հիմնական ոլորտներից է, երբ կոմունալ ծառայություններ մատուցող կազմակերպությունների նկատմամբ կիրառվող Հրահանգի իրավական նորմերը տարբեր են Հանրային Ոլորտի Հրահանգի նորմերից: Տարբերություն կա նաև կոմունալ ծառայություններ մատուցող կազմակերպությունների միջև, որոնք համարվում են հանրային ոլորտի պետական պատվիրատու, և նրանց միջև, որոնք չեն համարվում հանրային ոլորտի պետական պատվիրատու:

**Պարտադիր բացառման հիմքերը.** կոմունալ ծառայություններ մատուցող կազմակերպությունը, որը պետական պատվիրատու է, պետք է կիրառի այն նորմերը, որոնք պահանջում են պարտադիր բացառում այն մասնակիցների համար, որոնք մեղավոր են ճանաչվել ծանր հանցագործության մեջ: Պետական պատվիրատու չհանդիսացող կոմունալ ծառայություններ մատուցող կազմակերպությունները պարտավոր չեն կիրառել այդ նորմերը:

**Բացառման հայեցողական հիմքերը.** Կոմունալ ծառայություններ մատուցող բոլոր կազմակերպությունները, կարող են, սակայն պարտավոր չեն բացառման հայեցողական հիմքերով պայմանավորված բացառել մասնակիցներին: Բացառման հայեցողական հիմքերը ներառում են բացառման պայմաններ, հիմնված մասնագիտական պարտականությունների մեջ թերացումների կամ ծանր խախտումների վրա, որոնք կարող են օգտագործվել բնապահպանական հայեցակետերի հետ կապված:

**Ընտրություն-Փուլ 2. Մասնակիցների ընտրությունը.** Կոմունալ ծառայությունների մատուցման Հրահանգը չի սահմանում չափորոշիչների ամբողջական ցուցակ, որոնք պետք է օգտագործվեն մասնակիցների

ընտրության համար: Այն տարբեր է 2004/18/ԵՀ Հրահանգից, որով սահմանված են ինչպես չափորոշիչների մանրամասն և ամբողջական ցուցակը, այնպես էլ այն տեղեկատվությունը, որը կարող է պահանջվել:

Մասնակիցներին ընտրելիս կոմունալ ծառայություններ մատուցող կազմակերպություններից պահանջվում է օգտագործել “օբյեկտիվ կանոններ և չափորոշիչներ”: Այս օբյեկտիվ նորմերը և չափորոշիչները պետք է հասանելի լինեն շահագրգիռ տնտեսվարող սուբյեկտներին: Հետևաբար, կոմունալ ծառայություններ մատուցող կազմակերպություններն ավելի մեծ ճկունություն ունեն գնումների այս փուլում բնապահպանական հայեցակետերը օգտագործելու համար՝ պայմանով, որ չափորոշիչները կապված են պայմանագրի առարկայի հետ, վերաբերում են մասնակցի ունակությանը՝ իրականացնելու կոնկրետ պայմանագիր և չեն խախտում Պայմանագրի սկզբունքները:

Ընտրության նույն սկզբունքները կիրառվում են նախաորակավորման համակարգի կիրառման դեպքում մասնակիցների ընտրությանը:

### **Հայտերի գնահատումը**

Երբ մասնակիցներն ընտրվել են, կոմունալ ծառայություններ մատուցող կազմակերպությունը կարճ ցուցակում գրանցված մասնակիցներին հրավիրում է ներկայացնելու հայտեր: Կոմունալ ծառայություններ մատուցող կազմակերպությունը գնահատում է ստացված հայտերը և շնորհում է պայմանագիրը:

Պետական պատվիրատուն պետք է գնումների ծրագրման փուլում որոշեր, թե արդյոք պետք է շնորհի պայմանագիրը հիմնվելով (1) միայն ամենացածր գնի կամ (2) տնտեսապես ամենաշահավետ հայտի վրա: Շնորհման հիմքը պետք է նշվի պայմանագրի հայտարարության մեջ:

Հնարավոր է բնապահպանական հայեցակետերն օգտագործել այն հայտերի մեջ, որոնք շնորհվում են ամենացածր գնի հիման վրա՝ համապատասխան պահանջը տեխնիկական մասնագրերի և պայմանագրի պայմանների մեջ ներառելով:

Երբ կոմունալ ծառայություններ մատուցող կազմակերպությունն առաջարկում է պայմանագիրը շնորհել տնտեսապես ամենաշահավետ հայտի հիման վրա, բնապահպանական հայեցակետերն օգտագործելու և շնորհման չափորոշիչների մեջ դրանք ներառելու ավելի շատ հնարավորություններ կան:

Երբ օգտագործվում է նախաորակավորման համակարգը, ապա միևնույն սկզբունքները կիրառվում են հայտերի գնահատման չափորոշիչների օգտագործման ժամանակ:

Նույն սկզբունքները կիրառվում են կոմունալ ծառայություններ մատուցող կազմակերպությունների կողմից հայտերի գնահատման համար շնորհման չափորոշիչների սահմանման նկատմամբ:



Հետագա ընթացանություն.

[SIGMA Public Procurement Training Manual](#)